



KA BO KOPIA PRATIKA DI UTRU


AUTOR: CEZALTA BARBOSA CA'

ILUSTRASON: SHELL BOOKS







I temba un rapas, ku na bakia un koral di baka. Ma tudu dia si bakas ta kapli e bai pa kintal di jinti. Tudu ta jintis paña raiba del.



Un dia, dus baka turus bai kume miju na kintal di Ntoni. Ma nin bakiadur ka preokupa di kuma baka kapli. Ntoni serka bakas tok i kansa, ma i paña raiba i fala: “Si N pañaba e bakas...” I cia i balansa kabesa i riba.



**Staba la un baka femia, ku misti
kopia pratikas di ki baka turus. I
kapli ku un turu e bai pa kintal di
Nbana. E kume batata tok ke farta.**




**E dita dentru di kintal e na dormi.
Ki turu lanta i bai si kamiñu, sin
korda ki femia.**




**Tigri bin son i dita tan pertu di baka,
panta i lanta i sinta.**

**Limaria suma tigri, onsa e ta mata
son e kume kusas di dentru:**

**Korason ku figadu, e ta bibi tan sangi
e farta e dita e diskansa.**



**Lubu sai la ku si turmenta i ciga, ba-
ka lanta i foronta mal, dus pirigu,
kapli ka ten. Ñu lubu vira son i oja
tigri sinta, lubu fala: “Nuk, pera N
bai.” Lubu bai si kamiñu.**



**Bakiadur foronta tan, pabia i oja ki
baka turu na bin i fala: “Ee, baka
femia murija.”**



**Tigri consigi mata baka. I kume tu-
du kusas di dentru, i bibi tan sangi
i kaba i fika baka la i bai.**



**Nbana ku si amigu baiba pa bai
tarbaja na kintal, e bai oja baka di-
ta i muri e fala: “Aos tarbaju sabi,
no na tarbaja son un bokadu no
jubi purblema de baka.”**